

Ársskýrsla

Víkin 5 ára deild-GRV

Skólaárið 2017-2018



Gleði - öryggi - vinátta
www.vikin.leikskolinn.is

Efnisyfirlit

1. Almennar upplýsingar.....	2
1.1. Leikskóli, húsnæði og lóð.....	2
1.2. Viðhald og breytingar	2
1.3. Sumarleyfi.....	2
2. Hugmyndafræði, stefna, námsskrá	3
2.1. Uppeldislegar áherslur, markmið og matsaðferðir.	3
2.2. Skipulag	4
3. Starfið árið 2017 - 2018	5
3.1. Faglegt starf	5
3.2. Að brúa bilið	6
3.3. Ýmsir viðburðir á skólaárinu.....	7
4. Innra mat, framkvæmd og niðurstöður	10
4.1. Foreldraviðtöl.....	10
4.2. Starfsþróunarsamtöl.....	10
4.3. Starfsmanna- og deildarfundir	10
5. Starfsfólk.....	11
5.1. Starfsheiti og starfshlutfall.....	11
5.2. Starfsfólk Víkurinnar.....	11
6. Foreldrasamstarf	11
6.1. Markmið og áherslur í foreldrasamstarfi.....	11
6.2. Foreldraviðtöl.....	12
6.3. Upplýsingar til foreldra	12
6.4. Heimasíða Víkurinnar	12
7. Samstarf, fræðsla og ráðgjöf	12
7.1. Skipulagsdagar	12
7.2. Símenntun.....	13
7.3. Samstarf við rekstraraðila.....	15
7.4. Fræðsla og ráðgjöf	15
8. Lokaorð	15

Leikskólinn Víkin 5 ára deild, GRV

Ársskýrsla fyrir starfsárið 1. september 2017 - 31. ágúst 2018

1. Almennar upplýsingar

1.1. Leikskóli, húsnæði og lóð

Víkin 5 ára deild er 3 deilda leikskóladeild fyrir börn á síðasta ári leikskólagöngu. Boðið er uppá 4-9 tíma vistun.

Vegna smæðar 2012 árgangssins, voru einungis starfræktar tvær af þremur deildum þetta skólaárið. Þær deildir sem eru í Víkinni;

Vilhjálmsvík (Heimaklettur): 18-21 barn

Eysteinsvík (Miðklettur): 18-22 börn

Stafnsnesvík (Ystiklettur): Ekki nýtt þennan vetur.

Miklar breytingar voru á barnahópnum þetta árið, fimm ný börn bættust í árganginn frá upphafi skólaárs og fram að sumarlokun. Eitt barn hætti, en kom aftur í upphaf sumars.

Stafnsnesvík var aftur tekin í notkun 14 maí, en þá byrjuðu börn úr 2013 árganginum í leikskólanum.

2. júlí fengum við börn úr árgangi 2013 frá Kirkjugerði inn á Vilhjálmsvík og Eysteinsvík. Fór fjöldi skráðra barna þá upp í 24 á Vilhjálmsvík.

1.2. Viðhald og breytingar

- Öll gólf bónuð
- Leikfangaskúr settur á útilóð.
- Skápar settir í listasmiðju.
- Ofn færður til að gera rými fyrir skáp.

1.3. Sumarleyfi

Leikskóladeildin var lokuð frá og með 16 júlí til og með 15 ágúst 2018.

2. Hugmyndafræði, stefna, námsskrá

2.1. Uppeldislegar áherslur, markmið og matsaðferðir.

Unnið er samkvæmt Aðalnámskrá leikskóla útgefna af menntamálaráðuneytinu 2011 og lögum um leikskóla 90/2008. Grunnþættir

Aðalnámskrár eru þessir:

- Læsi
- Sjálfbærni
- Heilbrigði og velferð
- Lýðræði og mannréttindi
- Jafnrétti
- Sköpun

Samkvæmt Aðalnámskrá eiga þessir grunnþættir að endurspeglast í starfsháttum, samskiptum og skólabrag skóla. Þeir tengjast innbyrðis í öllu skólastarfi og menntun og eru samofnir hver öðrum.

Þegar Víkin var undir Kirkjugerði störfuðum við samkvæmt þeirra námsskrá. Eftir að Víkin fór undir Grunnskóla Vestmannaeyja höfum við verið námsskrárlaus, en reynt að tileinka okkur það sem hægt er úr námsskrá skólans. Eigum við eftir að fara í þá vinnu að gera nýja námsskrá með okkar áherslum.

Samkvæmt starfsáætlun okkar, er okkar meginmarkmið:

„Við leitumst við að rækta hæfileika barnsins sem koma til með að nýtast því sem best í nútímasamfélagi. Mikilvægt er því að rækta sterka sjálfsmynd, félagslega færni og trú á eigin getu. Mikil áhersla er lögð á að efla vináttu, jákvætt hugarfar og glaðleg samskipti.“

Þá vinnum við, ásamt leik- og grunnskólum Vestmannaeyja að framtíðarsýn Vestmannaeyjabæjar.

Markmið og hlutverk framtíðarsýnar er að skólarnir í sveitarfélaginu verði meðal þeirra fremstu á landinu hvað varðar vellíðan nemenda, faglegt starf, kennslu og námsárangur. Þá er sérstök áhersla lögð á íslensku og stærðfræði.

Mikil áhersla er á að nýta leikinn í kennslu og reynum við að hafa leikumhverfi þannig að nám fari yfir í frjálsta leikinn og að hann fái að njóta sín sem mest í starfinu.

Grunnskóli Vestmannaeyja vinnur eftir uppeldisaðferðinni uppeldi til ábyrgðar. Við í leikskóladeildinni höfum byrjað þá vinnu að því að tileinka okkur þá aðferð í okkar starfi.

2.2. Skipulag

Deildirnar fá ramma og vinna saman að því að setja upp það dagskipulag sem hentar hverri deild. Þannig er frelsi innan rammans til að skipuleggja starf sem hentar hópnum í hvert skipti.

Dagskipulag Vilhjálmsvíkur var svohljóðandi.

Tími	Mánudagur	Þriðjudagur	Miðvikudagur	Fimmtudagur	Föstudagur
7:30 - 8:15	Róleg stund	Róleg stund	Róleg stund	Róleg stund	Róleg stund
8:15 - 8:45	Morgunmatur	Morgunmatur	Morgunmatur	Morgunmatur	Morgunmatur
8:45 - 9:10	Framhaldssaga	Framhaldssaga	Framhaldssaga	Framhaldssaga	Framhaldssaga
9:10 - 10:00	Þríhjólið	Þríhjólið	Leikfimi 9:40-10:20	Þríhjólið	Val
10:00 - 11:00	Þríhjólið	Þríhjólið	Útivera/val	Þríhjólið	Tónlist 10:00-10:30
11:00 - 11:30	Stig af stigi/markviss málörvun	Söngstund	Stig af stigi/markviss málörvun	Söngstund	Söngstund/ málörvun
11:30 - 12:00	Matur	Matur	Matur	Matur	Matur
12:00 - 12:30	Hvöld	Bókaormur	Hvöld	Slökun/jóga	Slökun/jóga
12:15-12:45	Málörvunar-hópar	Spilastund		Málörvunar-hópar	Stafainnlögn
12:30 - 14:00	Útivera	Útivera	Útivera/val	Útivera	Útivera og val
14:00 - 14:25	Samvera - málörvun og þemavinna	Samvera - málörvun og þemavinna	Samvera - málörvun og þemavinna	Samvera - málörvun og þemavinna	Samvera - málörvun og þemavinna
14:25 - 15:00	Nónkaffi	Nónkaffi	Nónkaffi	Nónkaffi	Nónkaffi
15:00 - 16:30	Útivera/val	Útivera/val	Útivera/val	Útivera/val	Útivera/val

Dagskipulag Eysteinsvíkur var svohljóðandi.

Tími	Mánudagur	Þriðjudagur	Miðvikudagur	Fimmtudagur	Föstudagur
7:30 - 8:15	Róleg stund	Róleg stund	Róleg stund	Róleg stund	Róleg stund
8:15 - 8:45	Morgunnmat	Morgunnmat	Morgunnmat 8:00-8:30	Morgunnmat	Morgunnmat
8:45 - 9:10	Söngstund - ávextir	Söngstund - ávextir	Ganga uppí íþróttahús	Söngstund - ávextir	Söngstund - ávextir
9:10 - 10:00			Leikfimi 9:00 - 9:40		Val
10:00 - 11:00	Þríhjólið	Þríhjólið	Útivera	Þríhjólið	Tónlist 10:30 - 11:00
11:00 - 11:25	Samvera - málörvun og þemavinna	Stig af stigi/ málörvun	Samvera - málörvun og þemavinna	Stig af stigi/ málörvun	Samvera - málörvun og þemavinna
11:25 - 12:00	Matur	Matur	Matur	Matur	Matur
12:15 - 12:45	Hvöld	Bókaormur	Slökun	Framhaldssaga	Sitjandi hvöld
12:45 - 14:00	Útivera/val	Útivera/val	Val/Spilahópar	Útivera/val	Útivera
14:00 - 14:25	Samvera - málörvun og þemavinna	Samvera - málörvun og þemavinna	Samvera - málörvun og þemavinna	Samvera - málörvun og þemavinna	Samvera - málörvun og þemavinna
14:25 - 15:00	Nónkaffi	Nónkaffi	Nónkaffi	Nónkaffi	Nónkaffi
15:00 - 16:30	Útivera/val	Útivera/val	Útivera/val	Útivera/val	Útivera/val

3. Starfið árið 2017 - 2018

3.1. Faglegt starf

Víkin gekk í gegn um miklar breytingar á faglegu starfi þetta árið. Við tókum allt faglegt starf og endurhugsuðum það út frá leiknum. Skólamiðað starf fékk að víkja og var starfsfólk sett í hlutverk til að skapa nýja leikskólamiðaðri verkferla. Þríhjólið varð til í ár, en það var tilraunaverkefni innan leikskólans, með áherslu á íslensku, stærðfræði og sköpun. Deildirnar tvær unnu saman og var hverri deild skipt upp í þrjá hópa. Einn hópur á hvorri deild vann saman að hverjum þætti. Tveir kennarar sáu um hvern þátt og unnu saman að þróun

starfsins innan þess. Sköpun var í höndum Jónu Heiðu og Hildar Rúnar, Íslenska var í höndum Sigurrósar og Mörtu og stærðfræðin í höndum Ástu Bjarkar og Öldu.

Í íslenskunni er áhersla lögð á að vinna með *Lubbi finnur málbeinið*. Læra börnin þar stafina, máhljóðin og málrækt í gegnum leik og starf. Við nýtum okkur kennsluaðferðina *Leikur að læra*, ásamt því að spila, syngja og kenna í gegnum frjálsan leik.

Í stærðfræðinni vinnum við eftir bókinni *Sprota*, greinum námsefnið í henni og er leikur og efniviður skipulagður til að örva þá þætti sem þar er verið að kenna. Þar leggjum við áherslu á mynstur, tölur, talningu, form og flokkun. Til þess notum við m.a. kennsluaðferðina *Leikur að læra* ásamt því að vinna markvisst með bæði *Numicon* kubba og einingakubba.

Í sköpun leggjum við áherslu á að börnin fái tækifæri til að tjá sig í gegnum listirnar. Við leggjum áherslu á að gefa börnunum frelsi til að vinna á eigin forsendum og eflum þannig sjálfstæði og sköpunargleði þeirra. Þar fer fram þjálfun á fínhreyfingum, efling á hugmyndaauðgi og frumkvæði og að vinna hugsanir sínar í gegn um mismunandi efnivið. Þar fer einnig fram úrvinnsla á því sem þau hafa lært í þemavinnunni okkar, sem fer að miklu leyti fram inni á deildunum.

Grunnskóli Vestmannaeyja hefur unnið með kennsluefnið Stig af stigi síðustu 3 ár. Vikin byrjaði með skólanum í þeirri vinnu, en datt það út í eitt ár. Þetta árið tókum við kennsluefnið aftur upp og í samráði við skólann byrjum við á fyrsta hluta kennsluefnisins. Þetta ár tókum við 8 tíma, alla eftir áramót.

Stig af stigi er kennsluefni fyrir 4 - 10 ára börn. Námsefninu er skipt upp í þrjá hluta og er sá fyrsti ætlaður tveimur elstu árgöngunum í leikskóla og fyrsta bekk í grunnskóla. Á þessum árum reynir mikið á félagsfærni barna enda eru börnin sífellt að kynnast nýju fólki og umhverfi.

Leiðir til að byggja upp jákvæða sjálfsmynd barna eru margar, s.s. hrós og hvatning og að stuðla að vináttu og tengslamyndun. Í Stig af stigi er markmiðið að efla félags- og tilfinningaproska barna og að þau læri að sýna viðurkennda hegðun og koma tilfinningum sínum í orð.

3.2. Að brúa bilið

Leikskóladeildin vinnur náið með grunnskólanum í að undibúa nemendur fyrir grunnskólagöngu þeirra.

Einu sinni í viku fengum við markvissa tónlistarkennslu en þá fengum við tónlistarkennara grunnskólans til okkar sem syngur og leikur með börnunum.

Í 16 skipti yfir veturinn, 8 á hvorri önn fengu börnin að fara upp í íþróttahús, þar sem þau hittu Hilmar Ágúst Björnsson íþróttakennara og fengu frá honum markvissa hreyfikennslu. Í þessum tímum þjálfuðum við hreyfifærni barnanna á markvissan hátt, ásamt því að börnin lærðu leiðina í Íþróttamiðstöðina, umgengni í fataklefa og fengu að kynna framtíðar leikfimikennara sínum.

Við fengum nokkra tíma í danskennslu undir lok vorannar. Þar lærum við tvo dansa og tókum þátt í danssýningu með hinum börnum skólans.

3.3. Ýmsir viðburðir á skólaárinu

Ágúst 2017

- 16. ágúst 8:00 - 10:00 var starfsmannafundur
- Leikskólinn opnaði 16 ágúst klukkan 10:00
- Deildarstjórar með einstaklingsforeldraviðtöl fyrir foreldra nýrra barna.
- Unnið var eftir þemanu „Lundinn“

September 2017

- 7. sept. var foreldrafundur þar sem farið var yfir starfsemi Víkurinnar.
- 8. sept. var haldið uppá alþjóðadag læsis
- 15. sept. var lokað vegna starfsdags.
- 18. sept byrjuðum við á þemanu „Gleði-öryggi-vinátta“, sem eru einkunnarorð Grunnskóla Vestmannaeyja.
- 21. sept. kíktum við á Hraunbúðir og sungum fyrir heimilisfólk
- 22. sept. vorum við með opið á milli deilda.
- 27. sept. var foreldrakaffi á milli 8:00 og 9:00
- 29. sept. var hattadagur.

Október 2017

- 6. október var innidótadagur
- 13. október var krabbameinsdagurinn og bleikur dagur af því tilefni.
- 19. október kíktum við á Hraunbúðir og sungum fyrir heimilisfólk
- 20. október var opið á milli deilda
- 23. október fórum við yfir í „fjölskyldu“ þema.
- 27. október var alþjóðlegi bangsadagurinn og var þá náttfata og bangsadagurinn.

Nóvember 2017

- 10. nóvember var opið á milli deilda
- 16. nóvember var dagur íslenskrar tungu. Þá buðum við foreldrum í heimsókn, sungum fyrir þau lög og buðum þeim upp á kaffi.
- 23. nóvember kíktum við í heimsókn yfir á Hraunbúðir og sungum fyrir heimilisfólk.
- 24. nóvember var vasaljósadagur
- 27. nóvember byrjuðum við á þemanu „jólin“

Desember 2017

- 1. desember var fullveldisdagurinn. Þá vorum við með rautt og grænt þema.
- 5. desember var jólastund í Landakirkju.
- 7. desember bökuðum við piparkökur.
- 8. desember var kaffihúsastemming niðri í matsal og jólakortin voru sett í póst.
- 14. desember var jólasöngstund á Hraunbúðum,
- 15. desember var jólaball í sal skólans.
- 27. desember var lokað vegna starfsdags.

Janúar

- 2. janúar var lokað vegna starfsdags.
- 5. janúar var opið á milli deilda.
- 15. janúar byrjuðum við á þemanu „eldgosið“
- 19. janúar var bóndadagurinn.
- 23. janúar mættu allir í goslitunum í tilefni af því að 45 árvoru liðin frá upphafi eldgossins í Heimaey.
- 25. janúar var söngstund á Hraunbúðum.
- 29. janúar byrjuðum við með tannverndarviku.

Febrúar

- 2. febrúar var dagur stærðfræðinnar. Þá unnum við stærðfræðitengd verkefni.
- 5. febrúar byrjuðum við á þemanu um Þorrann. Þá bauð skólinn okkur jafnframt á þorrablót.
- 6. febrúar var dagur leikskólans. Þá buðum við foreldrum í kaffi til okkar.
- 12. febrúar var bolludagur. Þá fengum við bollur í nónkaffinu og bjuggum til bolluvendi.

- 13. febrúar var sprengidagur
- 14. febrúar var öskudagur. Fórum við þá með yngstu árgöngum skólans í öskudagsfjör um morguninn.
- 22. febrúar var söngur á Hraunbúðum
- 26. febrúar byrjuðum við á þemanu um hafið.

Mars

- Einstaklingsforeldraviðtöl voru í mars.
- 2. mars var innidótadagur
- 19. mars byrjuðum við á páskaþema.
- 21. mars bjuggum við til kókoskúlur
- 22. mars var söngur á Hraunbúðum
- 23. mars mættum við páskaleg til fara í leikskólann og vorum með páskaeggjaleit.
- 28. mars var lokað vegna starfsdags.

Apríl

- 3. apríl var lokað vegna skipulagsdags.
- 9. apríl byrjuðum við á þemanu „tyrkjaránið“.
- 26. apríl var söngur á Hraunbúðum.

Maí

- 2. maí var hjóla og útidótadagur.
- 4. maí var útskriftarferðin okkar, óvissuferð um bæinn.
- 9. maí var skóladagur hjá Hamarsskólanum og tókum við þátt í honum. Sýndum verkin okkar og hvað við erum búin að vera að gera í vetur. Við tókum einnig þátt í danssýningu skólans.
- 11. maí var opið á milli deilda.
- 14. og 15. maí var aðlögun hjá 2013 árganginum. Þau kíktu þá í heimsókn á milli 9 og 11 á meðan 2012 árgangurinn fór í heimsókn á Frístund.
- 17. maí var útskrift hjá 2012 árgangi klukkan 16:30.
- 22 og 23. maí kíkti 2012 árgangurinn í vorskólann á milli 13-15.
- 24. maí var söngur á Hraunbúðum.
- 25. maí var lokað vegna starfsdags.
- 28. maí var umferðarfræðsla í boði lögreglunnar í Vestmannaeyjum.

Júní

- 6. júní var hjóla og útidótadagur.
- 13. júní byrjaði TM mótið í Vestmannaeyjum og kíktu þeir sem höfðu áhuga á leik.
- 15. júní vorum við með upphitun fyrir leik Íslands og Argentínu.
- 21. júní var söngur á Hraunbúðum
- 22. júní var leikur Íslands og Nígeríu á HM. Mættum við þá í Íslandspema.
- 26. júní var leikur Íslands og Króatíu á HM. Mættum við þá í Íslandspema.
- 28. júní byrjaði Orkumótið í Vestmannaeyjum. Þeir sem höfðu áhuga fengu að kíkja á leik.

Júlí

- 4. júlí héldum við uppá það að 45 ár voru liðin frá goslokum.
- 5. júlí var hjóla og útidótadagur.
- 16. júlí lokaði leikskólinn vegna sumarfrís.

4. Innra mat, framkvæmd og niðurstöður

4.1. Foreldraviðtöl

Foreldraviðtöl eru haldin tvisvar á ári, við upphaf leikskólagöngu og í marsmánuði. Viðtölin gengu vel og er almenn ánægja með starfið á leikskólanum. Bæði á meðal foreldra og forráðamanna, en einnig á meðal barnanna. Viðtölin gefa okkur tækifæri til að meta viðhorf foreldra til leikskólans og um leið fáum við tækifæri til að bregðast við ef eitthvað á bjátar. Foreldraviðtölin gefa okkur góðan grundvöll til að styrkja og efla samskipti á milli heimilis og leikskóla.

4.2. Starfsþróunarsamtöl

Starfsþróunarsamtöl voru áætluð í apríl, en vegna óviðráðanlegra aðstæðna dattu þau upp fyrir. Ætlunin er að taka þau á sama tíma næsta skólaár.

4.3. Starfsmanna- og deildarfundir

Starfsmannafundir voru haldnir reglulega yfir veturinn. Starfsmannafundir voru hluti af starfsdögum sem við unnum af okkur yfir veturinn (sjá töflu í kafla 7.1.). Á starfsmanna- og deildarfundum ræddum við starfið á deildinni og leikskólanum í heild, máttum hvað er að ganga vel og hvað mætti betur fara, skipulögðum

starfið sem er framundan og bjuggum til persónulegar áætlanir fyrir börn ef þess þykir þörf.

5. Starfsfólk

5.1. Starfsheiti og starfshlutfall

Starfsheiti	Starfshlutfall*
Aðstoðarleikskólastjóri	100%
Deildarstjóri	165%
Leikskólakennari	32,5%
Aðstoðarleikskólakennari	88,1%
Háskólamenntaður starfsmaður	62,5%
Leiðbeinendur	238,18%
Heildarprósenta	686,28%

*m.v. starfsmannahald 1. desember 2017

5.2. Starfsfólk Víkurinnar

Starfsmaður	Starfsheiti	Menntun
Alda Gunnarsdóttir	leikskólakennari	leikskólakennari
Ásta Björk Guðnadóttir	deildarstjóri	leikskólakennari
Guðrún S. Þorsteinsdóttir	aðstoðarleikskólastjóri	leikskólakennari
Hildur Rún Róbertsdóttir	leiðbeinandi	stúdentspróf/ Háskólanemi
Jóna Heiða Sigurlásdóttir	Deildarstjóri	bA í myndlist og master í listkennslu, leyfisbréf í grunn- og framhaldsskóla

6. Foreldrasamstarf

6.1. Markmið og áherslur í foreldrasamstarfi

Við upphaf leikskólagöngu er grunnur af góðu samstarfi á milli heimilis og leikskóla. Áhersla er lögð á að taka vel á móti börnum sem og foreldrum. Reglulega yfir árið bjóðum við foreldrum í heimsókn til okkar en þar fyrir utan er foreldrum ávalt velkomið að kíkja og er alltaf möguleiki á að fá viðtalstíma hjá deildarstjóra sé þess þörf.

6.2. Foreldraviðtöl

Einstaklingsforeldraviðtöl eru tvisvar sinnum á ári. Við upphaf leikskólagöngu fá foreldrar viðtal með deildarstjóra þar sem foreldrar og deildarstjóri fá tækifæri til að stilla saman strengi sína fyrir komandi vetur og í mars hittast foreldrar og deildarstjóri/leikskólakennari aftur þar sem farið er yfir hvernig gengur og hvað betur má fara. Í upphafi skólaárs er svo hópforeldrafundur þar sem starfsemi Víkurinnar er kynnt og farið er yfir praktíska hluti sem fylgja leikskólagöngunni.

6.3. Upplýsingar til foreldra

Við upphaf skólaárs var tæknin nýtt til að koma upplýsingum til foreldra. Hver deild var með sína facebook síðu. Þar voru settar inn fréttir af starfi ásamt myndum af börnunum í leik og starfi. Um mitt skólaár tók leikskólinn upp karellen leikskólakerfið og færðust þá samskipti við foreldra smám saman þar inn. Facebook síður deildanna fengu þó að halda sér út skólaárið á meðan starfsfólk og foreldrar lærðu inn á Karellen kerfið.

6.4. Heimasíða Víkurinnar

Heimasíða Víkurinnar er virk og aðgengileg síða þar sem hægt er að finna helstu upplýsingar um leikskóladeildina og hennar starfsemi. Heimasíðan er tengd við Karellen leikskólakerfið og er hægt að komast af henni og yfir á læst fjölskyldusvæði þar sem foreldrar hafa aðgang að myndum af barninu sínu í leik og starfi ásamt ýmsum upplýsingum um barnið sjálft og deildina.

7. Samstarf, fræðsla og ráðgjöf

7.1. Skipulagsdagar

Skipulagsdagar skólaárið 2017-2018 voru eftirfarandi.

<u>Dags:</u>	<u>Vinna daginn / Unnið utan vinnutíma.</u>
15. sept. 2017	Vinna daginn
27. des. 2017	Utan vinnutíma
2. jan. 2018	Utan vinnutíma
3. apríl 2018	Utan vinnutíma
25. maí 2018	Vettvangsferð

Starfsdagur 15. september var unninn að fullu. 27. desember, 2. janúar og 3. apríl var leikskólinn lokaður en starfsfólk mætti á öðrum tíma og vann sér inn frí

Þá daga. 25. maí var farið í vettvangsferð til Reykjavíkur þar sem við kynntum okkur starfsemi leikskóladeilda innan grunnskóla. Dagskrá starfsmannafunda var á þennan veg:

<u>Dags:</u>	<u>Tími:</u>	<u>Vinna:</u>
29. ágúst 2017	16.30-18.30	Starfsmannafundur
7. september 2017	16.30-18.30	Foreldrafundur
15. september 2017	8.00-16.00	Starfsdagur Starfsm- og deildarfundir Hópavinna v. Príhjóls Stig af stigi
11. október 2017	16.30-20.30	TMT og starfsm.fundur
30. október 2017	16.30-20.30	Uppeldi til ábyrgðar Leikur að læra Starfsm- og deildafundir
30. nóvember 2017	16.30-18.30	Deildir skreyttar Starfsmannafundur
27. febrúar 2018	16.30-20.30	Karellen, starfsmanna- og deildafundur
5. mars 2018	16.30-18.30	Fyrirlestur um áföll (Hrefna)
Apríl 2018	16.30-20.30	Undirb. v/ óvissuferð og útskrift
25. maí 2018	8:00-16:00	Vettvangsferð
	Alls 40 klst	

7.2. Símenntun

Lýsing á símenntun	Tilgangur	Dags	Tími	Þátttakendur	Staðsetning
Skipulagsdagur					
Viðfangsefni					
Stig af stigi	Að starfsfólk geti unnið með námsefnið stig af stigi.	15. sept.	1 klst	Allt starfsfólk	Vestm.eyjar
Tákn með tali	Að starfsfólk læri að nýta tákn með tali í daglegu	11. okt.	3 klst	Allt starfsfólk ásamt Kirkjugerði	Vestm.eyjar

	starfi.				
Uppeldi til ábyrgðar	Að starfsfólk kynnist uppeldisstefnunni „uppeldi til ábyrgðar“ sem GRV vinnur eftir	30. okt.	1 klst	Allt starfsfólk	Vestm.eyjar
Karellen	Fara yfir hvernig vinna með Karellen gekk.	27. feb.	1. klst	Allt starfsfólk	Vestm.eyjar
Áföll í barnahópnum	Efla þekkingu á viðbrögðum þegar áföll verða í barnahópnum.	5. mars	2 klst	Allt starfsfólk leikskóla í Vestm.eyjum.	Vestm.eyjar

Lýsing á símenntun	Tilgangur	Dags	Tími	Pátttakendur	Staðsetning
Starfsmannafundur					
Viðfangsefni					
Karellen	Að starfsfólk læri að vinna með leikskólakerfið Karellen sem voru teknir í notkun á árinu.	28. nóv	1. klst	Allt starfsfólk	Vestm.eyjar
Karellen	Að stjórnendur læri á innra kerfi Karellen	28. feb	1,5 klst	Aðstoðar-leikskólastjóri og deildarstjóri	Vestm.eyjar
Vettvangsferð					
Viðfangsefni					
Skoða leikskóla	Sjá hvernig aðrar 5 ára deildir innan grunnskóla starfa	25. maí	8 tímar	Allt starfsfólk	Reykjavík

7.3. Samstarf við rekstraraðila

Aðstoðarleikskólastjóri sat fundi fræðsluráðs sem haldnir voru einu sinni í mánuði. Þar var farið yfir þau málefni sem lágu fyrir að hverju sinni.

7.4. Fræðsla og ráðgjöf

Leikskólinn nýtur góðs af ráðgjöf frá sérkennslustjóra leikskóla Vestmannaeyjabæjar. Sérkennslustjóri var Svava Hafsteinsdóttir og sá hún um ráðgjöf og sérkennslu fyrir þau börn sem þess þurftu.

8. Lokaorð

Þessi vetur var góður vetur. Hægt væri að kalla hann vetur breytinga, þar sem starfsemi Víkurinnar var endurhugsuð frá grunni og miklar breytingar gerðar á starfsháttum. Starfsfólk fékk tækifæri til að skoða sjálft sig og var mikil áhersla lögð á hrein og góð samskipti. Þær áherslubreytingar sem Víkin gekk í gegn um var að ákveðið var að leggja meiri áherslu á kennslu í gegn um leikinn. Tekið var út það námsefni sem þótti of skólamiðað og settar inn forsendur fyrir nám í gegn um leik. Árangur af þessu starfi var augljós, það mátti sjá í mikilli ánægju meðal foreldra á starfinu okkar og ánægðum börnum í góðu jafnvægi sem fóru upp í 1. bekk.